

Taabwa - Bakazi Malembo - Wives Scriptures

BaEfeso 5:22-24 Mwe bakazi, nakile balume benu nga evelia vimulimwanakila Mulopue. 23 Pantu mulume ali ni buvinde pa mukazi wakue nga evelia Kristu vyali ni buvinde pa kilonghano. Kristu mwine i Mupususi wa kilonghano. Ni keki kilonghano i mubili wakue. 24 Mwe bakazi nakile balume benu nga evelia kilonghano vikilikyamunakila Kristu mu bintu byonse.

BaEfeso 5:31,33 Malembo alialanda evi, "Ni pakako mwalalume waakasia se ni nghina ni kulundana na mukazi wakue, ni baba babili baakaaluka mubili umo." 33 Inzi ni kuli mwemue benka kalimukulanda: Kubalua mulume atone mukazi wakue nga viaitonene ye mwine, ni kubalua mukazi akindike mulume wakue.

1 BaKorinto 7:3-5 Mubili wa mwalalume ubeeleleko pa mulandu wa mukazi wakue, mubili wa mwanakazi ni o ubeeleleko pa mulandu wa mulume wakue. 4 Mukazi tali na nsambu pa mubili wakue mwine, inzi mulume i ali ni nsambu pa mubili wa mukazi wakue. Kibili mulume ni ye tali na nsambu pa mubili wakue mwine, inzi mukazi i ali ni nsambu pa mubili wa mulume wakue. 5 Tekutanane kyupo, inga sie kine mwaunvwana kukita evio pa musita unini kuti mupepe. Kibili mane mubwezyanie paakale mukeeza kubembua na Satana pa mulandu wa bunake bwenu.

1 BaKorinto 7:34 Ni pakako, malanga a ozu muntu opile ali pabili. Mwanakazi musimbe ao mukazyana wene aliwaipeela mu mwilo wakua Mulopue. Pantu atonene kwipeela kuli Leza mutima ni mubili wakue. Inzi olia opilue, wene aliwasambookela bintu bya mu kyalo pantu aliwakeba kuwamiizia mulume wakue.

BaKolosai 3:18 Mwe bakazi, nakile balume benu pantu evi ivimupalile kukita ku meno akua Mulopue.

1 Timoteo 2:11-15 Banakazi bapalile kusambilila bataleele koku baikeefiizie ni kuya bapoozele maano ku bintu bibalimukufundua. 12 Nsitonene kuti baye basambilizia ao kulombola balalume. Bene bapalile sie kuya baikeele bataleele. 13 Pantu Adamu i waalengelue wa mambo, Eva i waakonkelepo. 14 Kibili te Adamu waabeepelue, inzi mwanakazi i waabeepelue, kibili i wainoonene Mizilo yakua Leza. 15 Inzi mwanakazi waakapusukila sie pa mulandu wa kuvyala kine akabe watwaliliile mu kiketekelo, ni mu ntono, ni mu buzuuke, pamo ni mukuteekamana.

Genesis 3:16 - 1 Petro 3:1-6 Mwe bakazi, nakile balume benu, evi kine kuli muntu umo asizumiine keebo kakua Leza, obolue na mibeele yenu pasili kumwana kantu, 2 pantu alikumona mibeele yenu iweme ni ya mukinzi. 3

Temupalile kwifwanizia sie na bintu bya kunze nga evelia kusuka misisi yenu, ao kuvwala busanga, ao kuvwala ngubo ya mutengo, 4 inzi kwifwanizia kwenu kuye kwali kwa kiine kya mukati kusilikwainooneka, kwifwanizia na bufuuke ni kuteekamana i bitoneesiwe na Leza. 5 Pantu evi i vyaali banakazi bapupi ba kale baali bamuswapiile Leza, banakazi baali baifwanizia na kunakila balume babo. 6 Evi i vyaali Sara. Wene waali wamunakila Abrahamu, kibili waali wamukuuta selenzi. Ni mwe kumo kine mwakita biweme pasili kutiina kantu, mulikuya mwali baana bakua Sara.

Tito 2:1-5 Inzi wewe sambilizia masambilizio a kiine. 2 Baane bakote balalume baye bateekameene, baye bali ni maano pamo ni kuya baitiimine, baye balumine mu kiketekelo kyabo, baye bali ni ntono ni kuya basipikiziizie. 3 Baane bakote banakazi ni bo baye baikindikile mu bwikazi bwabo nga viikindikile banakazi bonse bekeele mu buzuuke. Tekuti baye basikililana ao kuya bali bakyakolua ba divai. Baane baye basambilizia bintu biweme, 4 pakuti babasambilizie bakazyana kuti baye batonene balume babo pamo ni baana babo, 5 baye baitiimine ni kuya basambikile mitima, baye bali bakazi baweme, banakiile balume babo, evi tekuti kuye kwali muntu wa kulanda bibiipile palua keebo kakua Leza.

1 BaKorinto 11:5-7,10 Inzi mwanakazi asivwele kitambala ku mutue lualiwapepa ao kulanda mpunda iapeelue na Leza, wamonia mulume wakue busoni. Pantu waaluka nga mwanakazi atebwilue kakuuzu. 6 Kine mwanakazi tavwele kitambala ku mutue, atebulue kakuuzu. Inzi pantu mwanakazi kutebulua kakuuzu kilikyaleeta busoni, kansi avvale sie kitambala ku mutue. 7 Mwalalume ni ye tekuti avvale kisote ku mutue wakue, pantu wene apaleene ni Leza, kibili i bulumba bwakua Leza. Inzi mwanakazi i bulumba bwa mulume wakue. 10 Mwanakazi i kialiawwalila kitambala ku mutue wakue evi kie kyali kilangililo kya kukindika mulume wakue, kibili aliwakita evi pa mulandu wa bamalaika.

Bipalo 12:4; 14:1; 19:13; 21:9,19; 25:24; & 27:15,16 - contentious & angry Bakazi.

Bipalo 31:10-31 - The Virtuous Bakazi.